

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA
Broj: 02-02-7-1908/15
Sarajevo, 29.12.2015. godine

Z A P I S N I K

Sedme vanredne sjednice Doma naroda Parlamenta Federacije Bosne i Hercegovine, održane 29. decembra 2015. godine

Sjednica je počela u 14:36.

Sjednicom je predsjedavala Lidija Bradara, predsjedavajuća Doma naroda Parlamenta Federacije BiH.

Na početku sjednice predsjedavajuća je pozdravila prisutne delegate, predstavnike medija, goste iz međunarodne zajednice, uvaženog predsjednika Federacije, potpredsjednicu Federacije, predsjednika Vlade Federacije, potpredsjednicu Vlade Federacije i ministre.

Izostanak sa sjednice niko nije najavio.

Na osnovu evidencije Stručne službe, predsjedavajuća je konstatovala da sjednici prisustvuje 39 delegata, što čini većinu, te Dom naroda može raditi i punovažno odlučivati.

Vlada Federacije dostavila je Prijedlog budžeta Federacije Bosne i Hercegovine za 2016. godinu, Prijedlog zakona o izvršavanju Budžeta Federacije Bosne i Hercegovine za 2016. godinu i Prijedlog zakona o izmjenama i dopunama Zakona o budžetima u Federaciji Bosne i Hercegovine s prijedlogom da se razmatraju po hitnom postupku.

Na osnovu člana 188. Poslovnika o radu Doma naroda, predsjedavajuća je stavila na glasanje prijedlog da se prijedlozi ovih zakona razmatraju po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, uz četiri uzdržana glasa i sa dva glasa protiv, prihvatio da se Prijedlog budžeta Federacije Bosne i Hercegovine za 2016. godinu razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 29 glasova za, uz pet uzdržanih i sa dva glasa protiv, prihvatio da se Prijedlog zakona o izvršavanju Budžeta Federacije Bosne i Hercegovine za 2016. godinu razmatra po hitnom postupku.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 20 glasova za, uz pet uzdržanih glasova i sa dva glasa protiv, prihvatio da se Prijedlog zakona o izmjenama i dopunama Zakona o budžetima u Federaciji Bosne i Hercegovine razmatra po hitnom postupku.

Zatim, otvorena je rasprava o procedurama u Domu naroda Parlamenta Federacije Bosne i Hercegovine u kojoj su učestvovali: Aner Žuljević, Lidija Bradara i Izmir Hadživdić.

Predsjedavajuća je stavila na glasanje i, na osnovu rezultata glasanja, konstatovala da je da je Dom naroda Parlamenta Federacije Bosne i Hercegovine, sa 29 glasova za, šest uzdržanih glasova i dva glasa protiv, usvojio sljedeći:

DNEVNI RED:

1. Prijedlog budžeta Federacije Bosne i Hercegovine za 2016. godinu - hitni postupak,
2. Prijedlog zakona o izvršavanju Budžeta Federacije Bosne i Hercegovine za 2016. godinu - hitni postupak,
3. Prijedlog zakona o izmjenama i dopunama Zakona o budžetima u Federaciji Bosne i Hercegovine - hitni postupak,
4. Prijedlog odluke o davanju saglasnosti na Rebalans Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2015. godinu (konsolidovani), Rebalans Finansijskog plana Federalnog fonda solidarnosti za 2015. godinu (Aneks I) i Rebalans Finansijskog plana Stručne službe Zavoda zdravstvenog osiguranja i reosiguranja Federacije Bosne i Hercegovine za 2015. godinu (Aneks II).

1. Prijedlog budžeta Federacije Bosne i Hercegovine za 2016. godinu - hitni postupak

Prijedlog Budžeta utvrdila je Vlada Federacije.

Predstavnički dom Parlamenta Federacije Bosne i Hercegovine obavijestio je Dom naroda Parlamenta Federacije Bosne i Hercegovine, da je na Šestoj sjednici, održanoj 22. decembra 2015. godine, usvojio Prijedlog budžeta Federacije Bosne i Hercegovine za 2016. godinu, sa jednim amandmanom koji je Vlada prihvatila pa je postao sastavni dio Prijedloga budžeta Federacije. Tom prilikom usvojen je i Zaključak.

Amandman koji je Vlada prihvatila glasi:

« U razdjelu 16. Ekonomski kod 6141 tekući transferi drugim nivoima vlasti i fondovima, kantoni dodaju se riječi i općine.»

Na Prijedlog Budžeta, Željko Mirković i Mladen Lonić, podnijeli su tri amandmana koji se odnose na ekonomske kodove 822500 614100 i 614100.

Prijedlog Budžeta obrazložio je Fadil Novalić.

Prijedlog Budžeta razmatrala su nadležna radna tijela i dostavila svoje izvještaje.

U raspravi su učestvovali: Željko Mirković i Aner Žuljević.

Na 24. hitnoj sjednici Vlada Federacije nije prihvatila amandmane koje su podnijeli Željko Mirković i Mladen Lonić, Anes Osmanović, Željko Josić i Đuro Delić, a odnose se na transfere nižim nivoima vlasti, kao ni amandmane koje je podnio Aner Žuljević.

Budući da Vlada nije prihvatila amandmane Željka Mirkovića i Mladena Lonića, a predlagači nisu odustali od njih, predsjedavajuća ih je stavila na glasanje.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandmane I,II, i III, koje su podnijeli Željko Mirković i Mladen Lonić - 23 delegata glasali su za, 12 delegata je bilo uzdržano i 13 protiv.

Izražena je sumnja u rezultate glasanja, te je sekretar Doma naroda, Izmir Hadživdić, izvršio poimenično izjašnjanje.

Na osnovu rezultata poimeničnog izjašnjavanja, predsjedavajuća je konstatovala da Dom naroda Parlamenta Federacije Bosne i Hercegovine, nije usvojio Amandmane I,II, i III, koje su podnijeli Željko Mirković i Mladen Lonić. Za je glasalo 17 delegata, 17 delegata je bilo uzdržano, a 12 protiv.

Delegat Aner Žuljević odustao je od amandmana koje je podnio, osim od jednog za kojeg je zatražio da se Dom naroda izjasni. Amandman se odnosi na sigurne kuće u iznosu od 138 hiljada maraka.

Na osnovu rezultata glasanja, predsjedavajuća je konstatovala da Dom naroda Parlamenta Federacije Bosne i Hercegovine nije usvojio Amandman koji se odnosi na sigurne kuće u iznosu od 138 hiljada maraka, budući da je za glasalo 16 delegata, 18 je bilo uzdržano, a šest protiv.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 31 glasom za i 16 glasova protiv, usvojio Prijedlog budžeta Federacije Bosne i Hercegovine za 2016. godinu.

Budući da je izražena sumnja u rezultate glasanja, sekretar Doma naroda, Izmir Hadžiavić, izvršio je poimenično izjašnjanje.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije BiH, sa 32 glasa za i 15 glasova protiv, usvojio Prijedlog budžeta Federacije Bosne i Hercegovine za 2016. godinu.

Zaključak koji je usvojen na Šestoj redovnoj sjednici Predstavničkog doma Parlamenta Federacije Bosne i Hercegovine glasi:

Predstavnički dom Parlamenta Federacije Bosne i Hercegovine nalaže Vladi Federacije Bosne i Hercegovine da do izrade Rebalansa Budžeta Federacije Bosne i Hercegovine za 2016. godinu iznađe zakonske pretpostavke i sredstva za poboljšanje statusa ratnih vojnih invalida paraplegičara (100% I grupe).

Predsjedavajuća je pozvala delegate Doma naroda da se izjasne o ovom zaključku.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije BiH, sa 41 glasom za i tri uzdržana glasa, usvojio Zaključak koji je usvojen na Šestoj redovnoj sjednici Predstavničkog doma Parlamenta Federacije Bosne i Hercegovine.

Zaključak koji je usvojio Dom naroda glasi:

ZAKLJUČAK

Dom naroda Parlamenta Federacije Bosne i Hercegovine nalaže Vladi Federacije Bosne i Hercegovine da do izrade Rebalansa Budžeta Federacije Bosne i Hercegovine za 2016. godinu iznađe zakonske pretpostavke i sredstva za poboljšanje statusa ratnih vojnih invalida paraplegičara (100% I grupe).

2. Prijedlog zakona o izvršavanju Budžeta Federacije Bosne i Hercegovine za 2016. godinu - hitni postupak

Prijedlog Zakona utvrdila je Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

Predstavnički dom Parlamenta Federacije Bosne i Hercegovine obavijestio je Dom naroda da je na Šestoj sjednici, održanoj 22. decembra, usvojio Prijedlog Zakona o izvršavanju Budžeta Federacije Bosne i Hercegovine za 2016. godinu, sa jednim Amandmanom kojeg je Vlada Federacije prihvatila pa je postao sastavni dio Prijedloga Zakona.

Amandman koji je Vlada Federacije prihvatila glasi:

”Član 23. stav 1. koji se odnosi na korištenje sredstava na razdjelu 16., mijenja se i glasi: Sredstva utvrđena na razdjelu 16., Budžeta pozicija tekući transferi drugim nivoima vlasti i fondovima - kantoni i općine koristit će se na osnovu Odluke o utvrđivanju kriterija raspodjele sredstava kantonima i općinama koji donosi Vlada”.

U raspravi niko nije učestvovao.

Na osnovu rezultata poimeničnog glasanja, predsjedavajuća je konstatovala da je Dom naroda Parlamenta Federacije BiH, sa 30 glasova za, sa jednim uzdržanim i 11 glasova protiv, usvojio Prijedlog zakona o izvršavanju Budžeta Federacije Bosne i Hercegovine za 2016. godinu.

3. Prijedlog zakona o izmjenama i dopunama Zakona o budžetima u Federaciji Bosne i Hercegovine - hitni postupak

Prijedlog Zakona utvrdila je Vlada Federacije.

Prijedlog Zakona razmatrala su nadležna radna tijela i dostavila svoje izvještaje.

U raspravi niko nije učestvovao.

Predstavnički dom Parlamenta Federacije Bosne i Hercegovine obavijestio je Dom naroda da je na Šestoj sjednici, održanoj 22. decembra 2015. godine, usvojio Prijedlog zakona o izmjenama i dopunama Zakona o budžetima Federacije Bosne i Hercegovine u tekstu kako ga je predložila Vlada Federacije.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 33 glasa za, dva uzdržana i osam glasova protiv, usvojio Prijedlog zakona o izmjenama i dopunama Zakona o budžetima u Federaciji Bosne i Hercegovine.

4. Prijedlog odluke o davanju saglasnosti na Rebalans Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2015. godinu (konsolidovani), Rebalans Finansijskog plana Federalnog fonda solidarnosti za 2015. godinu (Aneks I) i Rebalans Finansijskog plana Stručne službe Zavoda zdravstvenog osiguranja i reosiguranja Federacije Bosne i Hercegovine za 2015. godinu (Aneks II)

Prijedlog Odluke dostavila je Vlada Federacije.

Prijedlog Odluke razmatrala su nadležna radna tijela i dostavila svoje izvještaje.

Predstavnički dom Parlamenta Federacije Bosne i Hercegovine obavijestio je Dom naroda da je na Šestoj sjednici, održanoj 22. decembra 2015. godine, donio Odluku o davanju saglasnosti na Rebalans Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2015. godinu (konsolidovani), Rebalans Finansijskog plana Federalnog fonda solidarnosti za 2015. godinu (Aneks I) i Rebalans Finansijskog plana Stručne službe Zavoda zdravstvenog osiguranja i reosiguranja Federacije Bosne i Hercegovine za 2015. godinu (Aneks II).

U raspravi nije niko učestvovao.

Na osnovu rezultata glasanja, predsjedavajuća je konstatovala da je Dom naroda Parlamenta Federacije BiH, sa 33 glasa za, jednim uzdržanim i pet glasova protiv, donio Odluku kojom je dao saglasnost na Rebalans Finansijskog plana Zavoda zdravstvenog osiguranja i reosiguranja Federacije Bosne i Hercegovine za 2015. godinu (konsolidovani), Rebalans Finansijskog plana Federalnog fonda solidarnosti za 2015. godinu (Aneks I) i Rebalans Finansijskog plana Stručne službe Zavoda zdravstvenog osiguranja i reosiguranja Federacije Bosne i Hercegovine za 2015. godinu (Aneks II).

Sjednica je završila u 15:56.

* * *

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆA

Lidija Bradara